



新刻  
改正

# 小學

後藤點

貞

□ 13
2958
4止



橫山有策

小學卷之六

天台陳選句讀

善行第六

此篇紀漢以來賢者所行之善行以實立教明倫敬身也凡八十章

呂榮公名希哲字原明申國正獻公之長子正獻公居家簡重寡默不以事物經心而申國夫人性嚴有法度雖甚愛公然教公事事循蹈規矩

簡簡要重直厚也寡默慎言也事物謂外事外物經猶繁也甫十歲邪

寒暑雨侍立終日不命之坐不敢坐也日必冠帶以見

長者平居雖甚熱在父母長者之側不得去巾襪縛袴

衣服唯謹去上聲縛音象甫始祿大縛繞也縛袴所以纏繞袴管者亦謂之偏首之巾足之襪脛之縛袴身之衣服皆不得去謹則又如



口 13  
號 2958  
卷 4

整飾

行步出入無得入茶肆酒肆市井里巷之語鄭衛

之音未嘗一經於耳不正之書非禮之色未嘗一接於

目鄭衛二國名其音淫鄭氏曰足不妄行耳不妄聽目不妄視正獻公通判潁州歐陽公適

知州事焦先生千之伯強客文忠公所嚴毅方正正獻

公招延之使教諸子諸生少有過差先生端坐召與相

對終日竟夕不與之語諸生恐懼畏伏先生方畧降詞

色潁州郡名歐陽公名修字永叔謚文忠焦先生名千之字伯強時寓歐陽公家諸子諸生皆謂榮公及其弟也端正也降猶解也時公

方十餘歲內則正獻公與申國夫人教訓如此之嚴外

則焦先生化導如此之篤故公德器成就大異眾人公

嘗言人生內無賢父兄外無嚴師友而能有成者少矣

行成曰德才成曰器呂榮公張夫人待制諱晷之之幼女也最鍾

愛然居常至微細事教之必有法度如飲食之類飲羹

許更益魚肉不更進也時張公已為待制河北都轉運

使矣晷音溫使去聲夫人榮公之妻待制官名諱即名也生曰名苑曰諱鍾聚更再益增也都轉運使亦官名張公已貴顯矣而示女子以儉約如此非特教子者所當法也亦守官者所當法也及夫人嫁呂氏夫人之母申國夫人

姊也一日來視女見舍後有鍋釜之類大不樂謂中國

夫人曰豈可使小兒輩私作飲食壞家法邪其嚴如此

鍋音戈釜音甫樂音洛張待制呂正獻公皆魯參政宗道之壻○唐陽城為國子司業引諸生

告之曰凡學者所以學為忠與孝也諸生有久不省親者

乎明日謁城還養者二十輩有三年不歸侍者斥之去

聲唐李氏王天下之號城字  
○安定先生胡瑗字翼之惠隋唐

以來仕進尚文辭而遺經業苟趨祿利及為蘇湖二州

教授嚴條約以身先之雖太暑必公服終日以見諸生

嚴師弟子之禮解經至有要義輟輟為諸生言其所以

治已而後治乎人者學徒千數日月刮磨為文章皆傳

經義必以理勝信其師說敦尚行實後為太學四方歸

之庠舍不能容瑗音願先主聲韻口狠切為諸之為去聲翽音廢傳音

義節治已治人之道限限切到之意治已而後治人明體適用之學也刮磨刮

垢磨光也兼文行而言傳依也必以理勝不尚辭也信尊信也安定後為國子

直講四方學者歸之故庠舍不能容其在湖學置經義齋治事齋經義齋者

擇疏通有器局者居之治事齋者人各治一事又兼一

事如治民治兵水利算數之類其在太學亦然疏通謂

達有器局謂其弟子散在四方隨其人賢愚後復雅飭

其言談舉止遇之不問可知為先生弟子其弟子相語

稱先生不問可知為胡公也飭音勅徒循推正聲也說言動皆

者皆尊師故稱先生則知其為安定○明道先生言於朝曰治天下以正風俗

得賢才為本朝音潮風者上所也俗者下所習賢有德者才有能者二者

俗之本也宜先禮命近侍賢儒及百執事悉心推訪有德業

充備足為師表者其次有材良行脩者延聘

敦遣萃於京師俾朝夕相與講明正學好行並去聲下同悉

也延聘謂迎之以禮敦遣謂送之以禮其道必本於人倫明乎物

理其教自小學灑掃應對以往脩其孝悌忠信周旋禮樂其所以誘掖激勵漸摩成就之道皆有節序其要在於擇善修身至於化成天下自鄉人而可至於聖人之道灑掃並去聲勸音火誘之掖之使有進教之勵之使無退漸之摩之使不苦其難皆所以成就之正學不出乎人倫物理而已灑掃應對以至周旋禮樂小學之教也誘掖激勵漸摩成就之成其始也擇善修身以至化成天下大學之教也自鄉人而至於聖人之道成其終也其學行皆

中於是者為成德取材識明達可進於善者使日受其業擇其學明德尊者為大學之師次以分教天下之學中去聲中於是謂合於小學大學之教者以成德為師取材識之明達者受其教及學之成上者使教國學其次以分教州縣之學也此三節言擇師之法擇士入學縣升之州州實興於太學大學聚而教之歲論其賢者能者於朝朝音潮縣謂縣學學王制曰論定然後官之凡選士之法

皆以性行端潔居家孝悌有廉耻禮讓通明學業曉達

治道者選亦擇也此兩節言擇士之法朱子曰明道論學制最為有本讀之未嘗不慨然發嘆也伊川先生

看詳學制大槩以為學校禮義相先之地而月使之爭

殊非教養之道請改試為課有所未至則學官召而教

之更不考定高下伊川嘗充崇政殿說書同孫覺等看詳國子監條制相先猶相尚月使之爭謂月在試以較其高下是使

制尊賢堂以延天下道德之士鑄亦類以去利誘

省繁文以專委任勸行檢以厚風教鑄亦類以去利誘

立觀光法如是者亦數十條鑄子全切解居隘切去上聲行去聲制置也延待也鑄謂刻定也解猶貢

也類猶數也宋元豐中以利祿誘士國學解額增至五百人來者奔湊程子益欲量留百人餘四百分於州郡使士人各安鄉土也省減也繁文史牘之類師儒之官不責以小文所以專委任也行檢謂行誼名檢待賓齋所以待行能可實敬者吏師齋則通於治道可為吏之師法者居之觀光謂觀見國之盛德光

輝立觀光法蓋以處求學之士也

藍田呂氏鄉約曰凡同約者德業相勸

藍田縣名呂氏兄弟四人大中防大約木臨鄉約與鄉人約誓也勸勉也本註德謂見善必行聞過必改能修其身能治其家能事父兄能教子弟能御僕能事長上能睦親故能擇交遊能守廉介能廣施惠能受寄託能救患難能導人為善能規人過失能為人謀事能為眾集事能解鬪爭能決是非能與利除害能居官與職業謂居家則事父兄教子弟待妻妾在外則事長上接朋友教後生御僮僕至於讀書治由營家濟物如禮樂射御書數之類皆可為之非此之類皆

過失相規

規猶戒也本註犯義之過六一曰酬博鬪訟二曰行止踰違三曰行不恭遜四曰言不忠信五曰造

為無益

言誣毀六曰營私太甚不修之過五一日交非其人二曰遊戲怠惰三曰動作無儀四曰臨事不恪五曰用度不節

禮俗相交

謂婚姻喪葬祭祀之禮有往還書問慶吊之節

患難相卹

難去聲本註一曰水火二曰盜賊三曰疾病四曰死喪五曰孤弱六曰誣

有善則書于籍有過若違約者亦書之三犯而行

知至於知止誠意至於平天下洒掃應對至於窮理盡

性循循有序

灑掃並去聲格物致知所以求知所止誠意正心修身齊

理即致知至於知止之事盡性即誠意至於平天下之事大學之教也循循有序序貌謂先習之於小學而後進之於大學而大學之教又自有其序矣

病世之學者捨近而趨遠處下而闕高所以輕自大而

卒無得也

闕音窺趨奔也闕猶闕也卒終也此學者之太病程子教人循

卒無得也

循有序蓋病乎此矣吳氏曰行遠自近升自下學之序也自

大小學之序言之灑掃應對近者下者也窮理盡性高者

言之格物致知誠意正心修身非近而下者乎齊家治國平天下非高而遠者乎

右實立教

凡八章

江革少失父獨與母居遭天下亂盜賊並起革負母逃

難備經險阻常採拾以為養數遇賊或劫欲將去革輒

涕泣求哀言有老母辭氣愿款有足感動人者賊以是

多以人

取地位

止

知

不忍犯之或乃指避兵之方遂得俱全於難

少難養並去聲數音

朔愿音願華字次翁漢臨淄人備經險阻謂徧歷道路之難危採拾謂採取艸木之可食者數積也劫欲將去謂欲齎革以去也愿款誠慙也俱全謂母子皆保全轉客下邳貧窮裸跣行傭以供母便身之物莫不

也保全畢給裸音果切跣蘇典切傭音庸傳客猶飄泊下邳今邳州裸露身跣露足行傭為傭工也便身之物謂母身所便安之物異猶皆也給猶足也

○薛苞好學篤行父娶後妻而憎包分出之包日夜號

泣不能去至被毆杖不得已廬于舍外且入而灑掃父

怒又逐之乃廬於里門晨昏不廢積歲餘父母慚而還

之後服喪過哀好行並去聲歸平聲毆音嘔灑掃並去聲包字孟嘗漢汝南人不能猶不忍里門巷門也不廢謂不廢定省之禮

既而弟子求分財異居包不能止廼中分其財奴婢

引其老者曰與我共事久若不能使也田廬取其荒頓

者曰吾少時所理意所戀也器物取其朽敗者曰我素

所服食身口所安也弟子數破其產輒復賑給少去聲戀龍春切數

音朔復去聲既謂服喪也也弟子弟及其子也中分均分也共事同事也若汝也指弟子荒謂田畝荒蕪頰謂廬舍傾頰服用也○王祥性

孝蚤喪親繼母朱氏不慈數譖之由是失愛於父母使

掃除牛下祥愈恭謹父母有疾衣不解帶湯藥必親嘗

欲生魚時天寒冰凍祥解衣將剖冰求之冰忽自解雙

鯉躍出持之而歸母又思黃雀免復有雀數十飛入其

幕復以供母鄉里驚嘆以為孝感所致有丹柰結實母

命守之每風雨祥輒抱樹而泣其篤孝純至如此數音胡諧

則禁切剖音厚切炙音柰幕音莫祥字休微音瑯琊人親母也諧毀也失愛於父不得父之愛也牛下并糞剖破也炙炙肉驚嘆驚異嗟嘆也孝感謂魚雀之

至皆存誠之感動也。○王哀字偉元。父儀為魏安東將軍司馬。

昭司馬東關之敗。昭問於眾曰：近日之事，誰任其咎？儀

對曰：責在元師。昭怒曰：司馬欲委罪於孤邪？遂引出斬

之。哀蒲侯切。儀哀父名。魏曹氏篡國之跡。上司馬覆姓下。司馬官名。言儀為魏國安東將軍司馬昭之司馬也。東關地名。敗謂戰敗。咎罪也。元師稱昭

孤昭自稱也。哀痛父非命，於是隱居教授。三徵七辟，皆不就。

廬于墓側，且夕常至。墓所拜跪攀栢，悲號涕泣，著樹樹

為之枯。讀詩至哀哀父母，生我劬勞，未嘗不三復流涕。

門人受業者，並廢蓼莪之篇。辟音壁。號平聲。著直畧切。復音福。蓼音六。朝廷召曰徵。郡國舉曰辟。

家貧躬耕，計口而

田度身，而蠶或有容助之者，哀皆不聽。及司馬氏篡魏

哀終身未嘗西向而坐，以示不臣于晉。度音鐸。篡初患切。密猶私也。聽猶從也。逆

而奪取之，曰篡。昭既死，子炎篡魏，自立為晉，衣食不取豐裕而坐，不面關，皆痛父非命，不忍故爾。

○晉西河人王延

事親色養，夏則扇枕席，冬則以身溫被。隆冬盛寒，體常

無全衣，而親極滋味。養去聲。扇平聲。西河縣名。延字延元。色養以和悅之顏色而奉養也。用也。全完也。滋味猶言

甘。○柳玘曰：崔山南昆弟子孫之盛，鄉族罕比。山南曾

祖王母長孫夫人，年高無齒，祖母唐夫人，事姑孝，每且

櫛，繼筓拜於階下，即升堂乳其姑。長孫夫人不粒食數

年而康寧。乳去聲。山南名瑋，唐博陵人。為山南西道節度使，故稱山南昆兄也。王大也。曾祖王母，即曾祖母也。姓長孫，不粒食而康

樂安寧，由一日疾病，長幼咸萃，宣言無以報新婦，恩願新

婦有子，有孫，皆得如新婦，孝敬則崔之門安得不昌大。

和天疾

山第節

晉都

乎長上聲疾甚也南齊東黔婁為辱陵令到縣未旬父易

在家遘疾黔婁忽心驚舉身流汗即日棄官歸家家人

悉驚其忽至辱鉏山切易音異下同遘音拖南南朝齊蕭氏僭國之號黔婁字子貞辱陵縣名旬十日也易黔婁父名遘遇也熊

氏曰父子一體而分父疾而子心驚汗出自然之理也時易疾始二日醫云欲知差劇但

嘗糞甜苦易泄利黔婁輒取嘗之味轉甜滑心愈憂苦

至夕母枕額北辰求以身代楚楚成切劇音極稽音起額蘇明切病愈曰差病甚曰劇醫蓋以糞

甜則病甚糞苦則病愈也稽額叩頭也北辰北極也海虞令何子平母喪去官哀毀踰

禮每哭踊頓絕方蘇屬大明末東土饑荒繼以師旅八

年不得營葬晝夜號哭常如祖括之日冬不衣絮夏不

就清涼一日以米數合為粥不進塩菜所居屋敗不蔽

風日兄子伯興欲為葺理子平不肯曰我情事未申天

地一罪人耳屋何宜覆屬音竹踰平聲祖音但衣下為並去聲葺音緝覆敷救切海虞縣名子平南朝會稽

人哀毀踰禮痛傷過於禮也頭絕遽然氣絕也蘇猶醒也屬猶會也大明年踰東土即會稽軍法二十五百人為師五百人為旅營謀為也祖露辟月括括髮人

子初喪之禮也葺修補也情事未申謂親未葬也蔡興宗為會稽太守甚加矜賞為

營塚壙為去聲矜者憫其苦賞者嘉其孝朱壽昌生七歲父守雍出其

母劉氏嫁民間母子不相知者五十年壽昌行四方求

之不已飲食孳御酒肉與人言輒流涕雍去聲下同壽昌字康叔宋長人父為

雍州太守御用也熙寧初棄官入秦與家人訣句誓不見母不復

還行次同州得焉劉氏時年七十餘矣雍守錢明逸以

事聞詔壽昌還就官繇是天下皆知其孝繇由同熙寧年

繇秦即雍州之

地訣別也次猶至也明逸字子飛聞謂言之壽昌再為郡守至是以

母故通判河中府迎其同母弟妹以歸居數歲母卒涕

泣幾喪明拊其弟妹益篤為買田宅居之其於宗族尤

盡恩意嫁兄弟之孤女二人葬其不能者十餘喪蓋其

天性如此幾平聲喪明之喪去聲拊音府下為去聲河中府今蒲州也迤

而為河中通判拊安慰也推愛母之心而篤於同母弟伊川先生家

治喪不用浮屠在洛亦有一二人家化之浮屠佛氏也洛水名在河南

霍光出入禁闈二十餘年小心謹慎未嘗有過為人

沈靜詳審每出入下殿門進止有常處郎僕射竊識視

之不失尺寸闈音達下去聲射音夜識音志光字子孟漢平陽人為大將軍禁闈宮中小門也深沈安靜不浮躁也精詳審密不

闈音達下去聲射音夜識音志光字子孟漢平陽人為大將軍禁闈宮中小門也深沈安靜不浮躁也精詳審密不

帝時為太子洗馬以嚴見憚武帝即位召為王爵都尉

以數直諫不得久居位是時太后弟武安侯田蚡為丞

相旬中二千石拜謁蚡弗為禮黯見蚡未嘗拜句揖

之洗蘇興切數音朔蚡音忿相去聲下同黯字長孺漢潯陽人太子洗馬官

也中二千石謂九卿之官歲俸滿二千石也蚡負貴而驕人上方招文學

儒者上曰吾欲云云黯對曰陛下內多欲而外施仁義

奈何欲效唐虞之治乎上怒變色而罷朝公卿皆為黯

懼上退謂人曰甚矣汲黯之戇也治為皆去聲朝音潮下同黯音種上謂武帝云云猶言如

此如此蓋言效唐虞之治也心多欲如好征伐好神仙之類

唐虞唐堯虞舜也驚思也帝不罪黯而容之君人之度偉矣

羣臣或數

黯黯曰天子置公卿輔弼之臣寧令從諛承意陷主於不義乎且已在其位縱愛身奈辱朝廷何數上聲數責也輔弼輔德而弼

違也從諛承意順從阿諛以奉承上意也已既也黯黯多病病且滿三月上常賜告者數

終不瘡最後嚴助為請告上曰汲黯何如人也曰使黯

任職居官亡以瘡人然至其輔少主守成雖自謂責音

弗能奪也上曰然古有社稷之臣至如汲黯近之矣數

朔瘡音愈亡音無為少皆去聲責音奔漢法病滿三月當免官若休假也瘡通作愈病瘡也嚴助入姓名時為侍中瘡當作踰過也孟賁夏音皆古之有力者

言黯之正直若托之擁輔幼君以保守成業雖自謂有責音之勇者亦不能奪其大節也然是其言也社稷臣能安社稷者大將軍青

侍中上踞廁視之丞相弘宴見上或時不冠至如見黯

不冠不見也上嘗坐武帳黯前奏事上不冠望見黯避

帷中使人可其奏其見敬禮如此

宴見之見音現青衛青侍中侍於禁中也踞躡坐也廁昧

邊側弘公孫弘宴見宴開時進見也嘗曾也武帳帳中置在衛者可猶是也從其奏則稱制曰可

初魏遼東公翟

黑子有寵於太武奉使并州受布千疋事覺黑子謀於

著作郎高允曰王上問我當以實告為當諱之允曰公

帷幄寵臣有罪首實庶或見原不可重為欺罔也中書

侍郎崔鑒公孫贊曰若首實罪不可測不如姑諱之黑

子然允曰君柰何誘人就死地入見帝不以實對帝怒

殺之

翟音狄使重首為當之為皆去聲并音兵幄一角切史氏紀事而原其始則曰初此則節取其事而失刪也魏元魏太武魏帝覺發覺也

允字伯恭諱隱諱也帷幄寵臣侍帷幄受寵眷之臣也首自陳也者罪曰原重再也言已受賄若更隱諱是再造欺罔之罪也崔鑒公孫贊皆中書侍郎測度

姑且誘引也

帝使允授太子經及崔浩以史事被收太子謂

允曰入見至尊吾自導卿脫至尊有問但依吾語

崔浩為司

徒與允等修國書刻石以彰直筆太武怒其暴揚國惡收浩誅之將及於允故太子欲指導其生路脫儻若也太子見帝言高

允小心慎密且微賤制由崔浩請赦其死帝召允問曰

國書皆浩所為乎對曰臣與浩共為之然浩所領事句

多總裁而已至於著述臣多於浩帝怒曰允罪其於浩

何以得生太子懼曰天威嚴重允小臣迷亂失次耳臣

鄉問皆云浩所為帝問允信如東宮所言乎對曰臣罪

當滅族不敢虛妄殿下以臣侍講日久哀臣欲丐其生

耳實不問臣臣亦無此言不敢迷亂

鄒音向丐音蓋微賤言其職之卑制著述也多

猶皆也總裁謂總其大綱而裁正之紀事曰著纂言曰述失次謂所對失其次序鄉猶昔也東宮太子之宮殿下太子之稱丐乞也

帝顧謂

太子曰直哉此人情所難而允能為之臨死不易辭信

也為臣不欺君貞也宜特除其罪以旌之遂赦之

直哉贊其

直也旌之旌其善也他日太子讓允曰吾欲為卿脫死而卿不從何

也允曰臣與崔浩實同史事死生榮辱義無獨殊誠荷

殿下再造之慈違心苟免非臣所願也太子勃然稱嘆

為荷皆去聲讓責也殊異也言當與浩同之再造猶言再生動容變貌也允退謂人曰我不奉東宮指

導者恐負翟黑子故也

靜修劉氏曰高允告黑子之言也情之直亮而作史者遽繼之以賊或見原則所謂

首實者乃所以為備倖之資又以不奉東宮指導為恐負黑子則允所以為是者非以理義之當然第以此爾此皆史臣不明義理而於遺辭之際輕為增損

使允忠亮之心不白○李君行先生名潛虔州人入京師至

泗州留止其子弟請先往君行問其故曰科場近欲先

無肥馬  
云輕衣

至京師貫開封戶籍取應君行不許曰汝處州人而貫  
開封戶籍欲求事君而先欺君可乎寧遲緩數年不可  
行也虔音乾君行字潛名宋人也宋之京師在開封府貫猶係也貫籍以應舉欺君矣 ○崔玄暉母盧氏  
嘗誡玄暉曰吾見姨兄屯田郎中辛亥馭曰兒子從官  
者有人來云貧乏不能存此是好消息若聞貧乏是  
衣馬輕肥此惡消息吾嘗以為確論暉音偉馭音御皆音古至宰相姨兄姨之子長於我者也貧必廉故曰好消息富必貪故曰惡消息 比見親表中仕官者將錢  
物上其父母父母但知喜悅竟不問此物從何而來必  
是祿俸餘資誠亦善事如其非理所得此與盜賊何別  
縱無大咎獨不內愧於心玄暉遵奉教誡以清謹見稱

別必列切比近也親同姓表外姓非理所得如竊官  
物剝民財皆是咎罪也言罪雖幸免心實有愧也 ○劉器之待潮初

登科與二同年謁張觀參政三人同起身請教張曰某  
自守官以來常持四字勤謹和緩中間一後生應聲曰  
勤謹和既聞命矣緩之一字其所未聞張正色作氣曰  
何嘗教賢緩不及事且道世間甚事不因忙後錯了之

名安世宋元城人待制參政皆官名勤以從政謹以持身和以待人緩以處事未聞猶未喻也賢稱後生也益緩非迂緩下及事之謂乃從容不忙迫之謂耳

○伊川先生曰安定之門人徃徃知稽古愛民矣則於  
為政也何有門人始劉彝錢藻孫覺范純仁錢公輔是也稽古經義齋之事愛民治事齋之事何有言不難也 ○呂

榮公自少官守處未嘗于人舉薦其子舜從守官會稽  
人或譏其不求知者舜從對曰勤於職事其他不敢不

慎乃所以求知也

小去聲。會音。檜官守以官為守也。于求也。舜從名。疑問。

○漢陳孝婦

年十六而嫁。未有子。其夫當行戍。且行時。屬孝婦曰。我

生死未可知。幸有老母。無他兄弟。備養吾不還。汝肯養

吾母乎。婦應曰。諾。

戍音。庶屬音竹。下同。養去聲。下同。孝婦漢時陳州人。守邊曰戍。

夫果死不還。

婦養姑不衰。慈愛愈固。紡績織絰。以為家業。終無嫁意。

慈愛愈固。姑慈。婦愛愈深。固也。紡以事績。以指織。以機絰。以箴。

居喪三年。其父母及其少無子

而早寡也。將取嫁之。孝婦曰。夫去時。屬妾以供養老母。

妾既許諾之。夫養人老母而不能卒。許人以諾而不能

信。將何以立於世。欲自殺。其父母懼。而不敢嫁也。遂使

養其姑二十八年。姑八十餘。以天年終。盡賣其由宅財

物以葬之。終奉祭祀。

少去聲。夫養之。夫音扶。卒終也。夫死不。淮陽。嫁節也。養姑而生。事葬祭必盡。乃孝也。

太守以聞。使使者賜黃金四十斤。句復之。終身無所與

號曰孝婦。

使者之使與皆去聲。復音福。淮陽節。陳州復。謂除其家之役與猶及也。

○漢鮑宣妻桓氏

字少君。宣嘗就少君父學。父奇其清苦。故以女妻之。裝

送資賄甚盛。宣不悅。謂妻曰。少君生富。驕習美飾。而吾

實貧賤。不敢當禮。

少妻之之妻。並去聲。賄音悔。宣字子都。渤海人。清。謂澹泊。苦謂憂勤。學以清苦而成。行以清苦而立。

妻曰。大人以先生脩德守約。故使賤妾侍執巾

櫛。既奉承君子。惟命是從。宣笑曰。能如是。是吾志也。妻

乃悉歸侍御服飾。更著短布裳。與宣共挽鹿車歸鄉里。

拜姑禮畢。提甕出汲。脩行婦道。鄉邦稱之。

更平聲。著音酌。挽音晚。木人稱。

其父也先生以年君子以德稱其夫也約即清苦之謂歸謂還于父家侍御婢妾也服節資裝也引車曰挽鹿車小車可容一鹿者

曹爽

從弟文叔妻譙郡夏侯文寧之女名令女文叔蚤死服

闕自以年少無子恐家必嫁已乃斷髮為信其後家果

欲嫁之令女聞即復以刀截兩耳居止常依爽及爽被

誅曹氏盡死令女叔父上書與曹氏絕婚彊迎令女歸

誰音熊闕音缺斷音短從少皆去聲復扶又切強上聲曹爽魏宗室從弟同社之弟負侯姓文寧名闕終斷哉誅殺也司馬懿殺爽夷其族時文

寧為爽相憐其少執義又曹氏無遺類冀其意阻乃微

使人風之令女嘆且泣曰吾亦惟之許之是也家以為

信防之少懈令女於是竊入寢室以刀斷鼻蒙被而臥

其母呼與語不應發被視之血流滿床席舉家驚惶往

視之莫不酸鼻

相一作州少風並去聲解音戒斷音短無遺類盡死也冀其意阻冀其阻守義之意而改適也風謂以言動之

惟思也竊私也或謂之曰人生世間如輕塵棲弱草耳何辛苦

乃爾且夫家夷滅已盡守此欲誰為哉令女曰聞仁者

不以盛衰改節義者不以存亡易心曹氏前盛之時尚

欲保終况今衰亡何忍棄之禽獸之行吾豈為乎

誰為之為唐鄭義宗妻盧氏畧涉書史事舅姑甚得婦道嘗夜

有強盜數十持杖鼓譟踰垣而入家人悉奔竄唯有姑

自在室盧冒白刃往至姑側為賊捶數幾死

杖音仗譟先到功竄賊去後家

取亂切冒音墨為去聲捶王蓋切幾平聲涉涉水涉書史則泛也

觀之也杖兵器也鼓譟鼓舞呼譟也奔竄奔走竄匿也冒犯也

小傳卷之六

人問何獨不懼盧氏曰人所以異於禽獸者以其有仁義也鄰里有急尚相赴救况在於姑而可委棄乎若萬

一危禍豈宜獨生五家為鄰二十五家為里危禍謂姑獨生謂已○唐奉天寶民

二女生長草野幼有志操永泰中羣盜數千人剽掠其村落二女皆有容色長者年十九幼者年十六匿巖穴

間曳出之驅迫以前臨壑谷深數百尺其姊先曰吾寧就死表不受辱即投崖下而死盜方驚駭其妹繼之自

投折足破面流血羣盜乃捨之而去長上聲剽音票曳音衣商奉天縣名永泰年號

京兆尹第五琦嘉其貞烈奏

之詔旌表其門問永蠲其家丁役蠲音涓京兆郡尹官第五姓琦名蠲除也

繆彤少孤兄弟四人皆同財業及各取妻諸婦遂求分

異又數有鬪爭之言彤深懷忿嘆乃掩戶自搗曰繆彤

汝修身謹行學聖人之法將以齊整風俗奈何不能正

其家乎弟及諸婦聞之悉叩頭謝罪遂更為敦睦之行

繆音木彤音容少去聲取音娶數音朔搗職瓜切行去聲更平聲彤字豫我華女南人幼而無父曰孤搗打更改敦睦睦和也○蘇瓊除

南清河太守有百姓乙普明兄弟爭田積年不斷各相

援據乃至百人瓊召普明兄弟諭之曰天下難得者兄

弟易求者田地假令得田地失兄弟心如何因而下淚

諸證人莫不灑泣普明兄弟叩頭乞外更思分異十年

遂還同住斷都玩切易音異令更並平聲瓊字卯之北朝人南清河郡乙姓普明名斷決也援據攀援他人為證據也諭曉也如何問之

斷都玩切易音異令更並平聲瓊字卯之北朝人南清河郡乙姓普明名斷決也援據攀援他人為證據也諭曉也如何問之

斷都玩切易音異令更並平聲瓊字卯之北朝人南清河郡乙姓普明名斷決也援據攀援他人為證據也諭曉也如何問之

斷都玩切易音異令更並平聲瓊字卯之北朝人南清河郡乙姓普明名斷決也援據攀援他人為證據也諭曉也如何問之

以發勤其良心也太守下疾而諸證人灑泣普明兄弟悔過可以見人心之天矣

○王祥弟覽母朱氏遇

祥無道覽年數歲見祥被楚撻輒涕泣抱持至于成童

每諫其母其母少止凶虐朱屢以非理使祥覽與祥俱

又虐使祥妻句覽妻亦趨而共之朱患之乃止

屢音慮覽字玄

通遇待也楚痛也成童十五歲也俱謂共為之

○晉右僕射鄧攸永嘉末没于石勒

過泗水攸以牛馬負妻子而逃又遇賊掠其牛馬步走

擔其兒及其弟子緩度不能兩全乃謂其妻曰吾弟蚤

亡唯有一息理不可絕止應自棄我兒耳幸而得存我

後當有子妻泣而從之乃棄其子而去之卒以無嗣

射音

夜度音鐸應平聲右僕射官名攸字伯道永嘉年朔石勒胡人没陷没息子息弟子弟之子緩其名也

時人義而哀之為

之語曰天道無知使鄧伯道無兒弟子緩服攸喪三年

為去聲義者義其能存姪也服喪三年如喪父也

○晉咸寧中大疫庾衮二兄俱亡次

兄毘復危殆厲氣方熾父母諸弟皆出次于外衮獨留

不去諸父兄強之乃曰衮性不畏病遂親自扶持晝夜

不眠旬其間復撫柩哀臨不輟如此十有餘旬疫勢既

歇家人乃反毘病得差衮亦無恙

疫音役毘音皮復扶又切癘音利熾昌志切強上聲間音

潤臨去聲輟音拙有音又差楚戒切恙音樣咸寧年朔疫癘皆瘟疫疾衮字聲楚毘次兄名危殆謂病甚也熾盛次舍也間空隙也臨哭輟止差愈恙病也

父老咸曰異哉此子守人所不能守行人所不能行歲

寒然後知松柏之後凋始知疫癘之不能相染也

父老鄉之

高年者後凋謂後於衆木之凋

○揚播家世純厚並敦義讓昆季相事有

如父子。椿津恭謙兄弟且則聚於廳堂終日相對未嘗入內有一美味不集不食。廳堂間往往幃幔隔障為寢息之所。時就休偃還共談笑。

息也偃猶卧也

椿年老曾他處醉歸津扶持還室假寢問前承

侯安否

寢本傳作寐假寢不脫衣冠而寢也問謂室之門

椿津年過六十並登台鼎

而津常且莫參問子姪羅列階下椿不命坐津不敢坐

莫音暮台鼎三公之稱如星之有三台鼎之有三足也椿為司徒津為司空故曰並登台鼎

椿每近出或日斜不

至津不先飯椿還然後共食食則津親授匙箸味皆先

嘗椿命食然後食津為肆州椿在京宅每有四時嘉味

輒因使次附之若或未寄不先入口一家之內男女百

口總服同饗庭無間言

飯上聲匙音時箸音住饗取亂切使間並去聲京宅宅在京也嘉味美味也未寄于兒則

不先食總麻之服同饗世不分異也間言異言也

○隋吏部尚書牛弘弟病好酒而

酣嘗醉射殺弘駕車牛弘還宅其妻迎謂弘曰叔射殺

牛弘聞無所恠問直答曰作脯坐定其妻又曰叔射殺

牛大是異事弘曰已知顏色自若讀書不輟

好去聲射許御切脯音府

○唐英公李勣貴為僕射其姊

病必親為然火煮粥火焚其鬚姊曰僕妾多矣何為自

苦如此勣曰豈為無人耶顧令姊年老勣亦老雖欲數

為姊煮粥復可得乎

勣音迹射音夜數音胡為復並去聲勣字懋功封英公僕射喜宰相顧猶念也○司

馬溫公與其兄伯康友愛尤篤伯康年將八十公奉之

如嚴父保之如嬰兒每食少頃則問曰得無饑乎天少  
冷則拊其背曰衣得無薄乎拍音府伯康名且吳氏曰奉之如嚴父敬之至也保之如嬰兒愛之

至也老人賜胃弱易飽易饑氣體虛易寒易熱故公撫問之勤如此 ○近世故家惟晁氏因以道

申戒子弟皆有法度群居相呼外姓尊長必曰某姓第

幾叔若兄諸姑尊姑之夫必曰某姓姑夫某姓尊姑夫

未嘗敢呼字也其言父黨交游必曰某姓幾丈亦未嘗

敢呼字也當時故家舊族皆不能若是晁音潮長上聲故家舊家惟獨也以道名

說之澶淵人若及也尊者曰某姓第幾叔長者曰某姓第幾兄姑父之姊妹也  
尊姑祖之姊妹也父黨交游父之友也稱姓稱行稱位而不呼字皆謙厚之道

○包孝肅公尹京時民有自言以白金百兩寄我者死  
矣予其子不肯受願召其子予之尹乃召其子辭曰父

未嘗以白金委人也兩人相讓久之子音與公名極字希仁孝肅謚也宋盧州人尹京時

為尹之時 呂榮公聞之曰世人喜言無好人三字者可謂自

賊者矣古人言人皆可以為堯舜蓋觀於此而知之賊害

也古人謂孟子入無有不善故皆可以為堯舜蓋疑辭此指讓金而言猶言此等事也 ○萬石君石奮歸老子

家過官門闕必下車趨見路馬必軾焉子孫為小吏來

歸謁萬石君必朝服見之不名子孫有過失不請讓為

便坐對案不食然後諸子相責因長老肉袒固謝罪改

之乃許朝音潮請在笑切下為去聲長上聲下同祖音但下同漢石奮與四子皆官至二千石故號萬石君歸老老而歸也路馬說見晉古

請讓謂以言責之坐於便室設食於案對之而不食自責也長老族之

高年者肉袒袒衣露肉也固再三也許謂許其改過而已復坐復食也 子孫

勝冠者在側雖熱必冠申申如也僮僕訪訪如也唯謹

勝音升。訪音。勝冠謂年及冠者。燕謂燕居。申申和順也。訪訪和悅也。和則易肆。故加謹。上時賜食於家。必稽首

俯伏而食。如在上前其執喪哀戚甚。子孫遵教亦如之。稽音啓。稽首。即叩首。稽首俯伏。而後起。食敬也。萬石君家以孝謹聞。平郡國。雖齊魯

諸儒質行。皆自以為不及也。行去聲。存謹。即下官門。闕等事。齊魯二國名。長子建

為郎中令。少子慶為內史。少去聲。郎中令。內史。皆官名。建老白首。萬石

君尚無恙。每五日洗沐。歸謁親。入子舍。竊問侍者。取親

中。為廁。胸身自浣滌。復與侍者不敢令萬石君知之。以

為常。恙音樣。君音裙。胸音投。洗音緩。滌音狄。恙病也。漢法。在官五日。則休假一日。以洗身。沐。首。子舍。小房。親謂萬石君。中。君。中。衣。則胸。織器不使親知。者。共為子職。而又欲親心安也。內史慶辭歸入外門。不下車。萬石君聞

之不食。慶恐肉袒謝罪。不許。舉宗及兄建肉袒。萬石君

讓曰。內史貴人。入閭里。里中長老皆走匿。而內史坐車

中自如。固當乃謝。罷慶慶及諸子入里門。趨至家。外門。巷門。

舉宗。猶言闔族。讓責也。固當者。反辭以責之也。謝罷慶者。許不過慶而復食也。里門。即巷門。言自是以後。入巷門。則疾趨而歸。不但不下車矣。疏

廣為太子太傅。上疏乞骸骨。加賜黃金二十斤。太子贈

五十斤。歸鄉里。日令家供具。設酒食。請族人。故舊賓客

相與娛樂。數問其家金餘。尚有幾斤。趣賣以共具。疏音疎。骸音骸。

音諧。令平聲。樂音洛。下同。數音朔。趣音促。共音供。下同。廣字仲翁。漢蘭陵人。太傅。官名。上疏乞骸骨。猶今之告老也。娛。歡也。趣與促同。共與供同。言促賣餘金。以供酒食之具也。居歲餘。廣子孫竊謂其昆弟老人。廣所信愛者

曰。子孫冀及君時。頗立產業。基址今日飲食。費且盡。宜

從丈人所勸說。君置田宅。老人即以間暇時為廣言此

計說音稅。為去聲。冀欲也。君指廣丈人。即廣所愛信之高年兄弟也。所處也。說誘也。廣曰：吾豈老悖不念

子孫哉！顧自有舊田廬，令子孫勤力，其中足以共衣食

與凡人齊。今復增益之，以為贏餘，但教子孫怠惰耳。音悖

佩令平聲。復扶又切。老悖，年老而乖悖也。贏亦餘也。衣食有餘，則子孫倚之而怠惰矣。賢而多財，則損其志，愚

而多財，則益其過。且夫富者眾之怨也，吾既無以教化

子孫，不欲益其過而生怨。又此金者，聖王所以惠養老

臣也，故樂與鄉黨宗族共享其賜，以盡吾餘日，不亦可

乎？夫音扶。共，如字。益，增也。龐公嘗入城府，夫妻相敬如賓。劉表

候之，龐公釋耕於龍上，而妻子耘於前。表指而問曰：先

生苦居畎畝而不肯官祿，後世何以遺子孫？龐公曰：

世人皆遺之以危，今獨遺之以安。雖所遺不同，未為異

所遺也。表嘆息而去。遺音位。龐公字德公，漢襄陽人。劉表，漢宗室侯。猶訪也。釋猶罷也。龍，田間高處也。或田間水道。

也。遺猶與也。富貴者易危。勤勞者常安。理勢然也。○陶淵明為彭澤令，不以家累自隨，

送一力，給其子書曰：汝且夕之費，自給為難。今遺此力，

助汝薪水之勞，此亦人子也可善遇之。累去聲。淵明字元亮，晉潯陽人。彭澤縣名。

家累，妻子也。力，僕也。給與也。瞻也。遇待也。○崔孝芬兄弟孝義慈厚，弟孝暉等奉

孝芬，盡孝順之禮，坐食進退，孝芬不命則不敢也。鄉鳴而

起，且溫顏色，一錢尺帛不入私房。吉凶有須，聚對分給。

諸婦亦相親愛，有無共之。暉音偉。孝芬，北朝博陵人。孝芬叔振既亡後，

孝芬等承奉叔母李氏，若事所生。且夕溫清，出入啓覲。

家事巨細一以咨決每兄弟出行有獲則尺寸以上皆

入李之庫四時分齊李氏自裁之如此二十餘歲清七正切

上聲。齊洛代切。存芬之叔。名振。温謂冬温清謂夏清。温謂出必告。觀謂及必面。獲得也。齊與也。○王凝常居慄如

也子弟非公服不見閨門之內若朝廷焉慄音栗。朝音潮。疑字叔。恬文中。

子之弟。慄。嚴謹貌。御家以四教勤儉恭恕正家以四禮冠昏喪祭

冠去聲。御治也。勤以事。事儉以制。用。恭以處。已恕以待。人。四禮說見嘉言。聖人之書及公服禮器不假

垣屋什物必堅朴曰無苟費也門巷果木必方列曰無

苟亂也假借也不假。阮氏曰皆自足也。營築垣屋造設什物必渾堅朴素。經畫門巷種植果木必方整成列。蓋其為不苟故每事亦不苟。

此如○張公藝九世同居北齊隋唐皆旌表其門麟德中

高宗封泰山幸其宅召見公藝問其所以能睦族之道

公藝請紙筆以對乃書忍字百餘以進其意以為宗族

所以不悌由尊長不食或不均卑幼禮節或有不備

更相責望遂為乖爭苟能相與忍之則家道雍睦矣長

聲更平聲。公藝唐東平人北齊北朝高齊也。麟德唐高宗年號。封土為壇以祭也。泰山名天子所至曰幸。忍耐也。協和也。卑幼責望尊長之不均。尊長責望卑幼之不備。是更相責望也。乖戾也。雍和也。○韓文公作董生行曰淮水出桐柏

山東馳遙遙千里不能休淝水出其側不能千里百里

入淮流壽州屬縣有安豐唐貞元年時縣人董生召南

隱居行義於其中刺史不能薦天子不聞名聲爵祿不

及門門外惟有吏日來徵租更索錢行如字。淝音肥。召音邵。索音色。公名愈字退之。

謚文。唐昌黎人。董生召南。行義於淮淝之間。時之人不能模倣。韓子為作此詩。蓋賦貞元年號董生隱居。

行義於淮淝之間時之人不能模倣韓子為作此詩蓋賦

而興也。嗟哉董生朝出耕夜歸讀古人書盡日不得息或

山而樵或水而漁入厨具甘旨上堂問起居父母不感

感妻子不咨咨吳氏曰感感憂愁也咨咨嗟怨也父母安其孝故不憂妻子樂其慈故不怨嗟哉董生

孝且慈人不識唯有天翁知生祥下瑞無休期家有狗

乳出求食鷄來哺其兒啄啄庭中拾蟲蟻哺之不食鳴

聲悲彷徨躑躅久不去以翼來覆待狗歸乳去聲哺音步

誰將與儔時之人夫妻相虐兄弟為讎良君之祿而令

父母愁亦獨何心嗟哉董生無與儔儔音紐令平聲儔匹也朱子曰上句誰將與儔

疑而問之之辭也下句無與儔答而決之之辭也

○唐河東節度使柳公綽在公卿間

最名有家法綽尺約切河東道名節度使官名公綽字子寬中門東有小齋自非朝

謁之日每平旦輒出至小齋諸子仲郢皆束帶晨省於

中門之北公綽決私事接賓客與弟公權及羣從弟再

會食自且至莫不離小齋獨至則命一人子弟執經史

躬讀一過訖乃講議居官治家之法或論文或聽琴至

人定鐘然後歸寢諸子復昏定於中門之北凡二十餘

年未嘗一日變易朝音潮郢音穎從離並去聲莫音暮仲郢節度之子字論蒙公權節度之弟字誠懇其遇

饑歲則諸子皆蔬食曰昔吾兄弟侍先君為丹州刺史

以學業未成不聽食肉吾不敢忘也上食音似曰節度言也父沒稱先君聽猶許也

姑姊妹姪有孤嫠者雖踈遠必為擇壻嫁之皆用刻木

粧奩纈文絹為資裝常言必待資裝豐備何如嫁不失時發音離為擇之為去聲奩音廉纈胡結切姪謂兄弟之女孤無父者發無夫者奩鏡匣也纈文絹較縞縞為文者及公綽卒

仲郢一遵其法事公權如事公綽非甚病見公權未嘗

不束帶為京兆尹塩鐵使出遇公權於通衢必下馬端

笏立候公權過乃上馬公權莫歸必束帶迎候於馬首

公權屢以為言仲郢終不以官達有小改草音暮其指節度也以上言家

法之在外者公綽妻韓氏相國休之曾孫家法嚴肅儉約為摺

紳家楷範歸柳氏三年無少長未嘗見其啓齒常衣絹

素不用綾羅錦繡每歸觀不乘金碧輿祇乘竹兜子二

青衣步履以隨常命粉苦參黃連熊膽和為丸賜諸子

每永夜習學念之以資勤苦

指口駭切相少衣和並去聲長上聲

之稱休其名也摺紳播笏也摺紳也楷範猶言法式婦人謂嫁曰歸啓齒笑也歸觀歸寧父母也竹兜子竹轎也二青衣二僮使也履徐行貌資助也此言家法

之內者○江州陳氏宗族七百口每食設廣席長幼以次

坐而共食之有畜犬百餘共一牢食一犬不至諸犬為

之不食長上聲畜音六切為去聲陳氏名陳南唐○温公曰國朝

公卿能守先法久而不衰者唯故李相家子孫數世至

二百餘口猶同居共爨田園邸舍所收及有官者俸祿

皆聚之一庫計口日給餉婚姻喪葬所費皆有常數分

命子弟掌其事其規模大抵出於翰林學士宗諤所制

也朝音潮相去聲邸音底國朝温公自謂本朝也李相名昉字明遠

滁州人為宰相故稱李相邸舍客店也宗諤李相之子字昌武

右實明倫

凡四十五章李氏曰首十章實父子之親次十章實君臣之義次五章實夫婦之別次十章實長幼之序次一章實朋友之交後十一章通實五倫之義或問此篇似少朋友章朱子曰當時是衆編類來偶缺此耳

或問第五倫曰公有私乎對曰昔人有與吾千里馬者吾雖不受每三公有所選舉心不能忘而亦終不用也吾兄子嘗病一夜十往退而安寢吾子有疾雖不省視而竟夕不眠若是者豈可謂無私乎

第五姓倫名字伯魚漢京兆人為司空以公王

稱職以太師太傅太保為三公東漢以太尉司徒司空為三公竟終也朱子曰不薦自是好然於心終不忘便是與他取舉意思不過這便是私意又曰如十起與不起便是私這便是避嫌只是他見得這意思已是大段做工夫大段會省察了

疾言遽色夫人欲試寬令恚伺當朝會裝嚴已訖使侍婢奉肉羹翻污朝服婢遽收之寬神色不異乃徐言曰

羹爛汝手乎其性度如此

倉上聲卒蒼沒切遽音句令平聲恚音惠伺音似朝音潮奉音捧汚去聲寬字

文饒漢弘農人志怒也裝嚴謂裝著嚴整異變也

○張湛矜嚴好禮動止有則居處幽

室必自脩整雖遇妻子若嚴君焉及在鄉黨詳言正色

三輔以為儀表

好處並去聲湛字子孝漢平陵人矜嚴矜莊而嚴厲也嚴君尊嚴之君長也漢以京兆尹左馮翊右扶風為二

輔共治長安城中儀表猶言法式

建武初為左馮翊告歸平陵望寺門而

步主簿進曰明府位尊德重不宜自輕湛曰禮下公門

軾路馬孔子於鄉黨恂恂如也父母之國所宜盡禮何

謂輕哉

馮音平翊音亦建武年雍寺官府之稱主簿馮翊屬吏也恂恂信實之貌

○揚震所舉荊州

茂才王密為昌邑令謁見懷金十斤以遺震震曰故人

知君君不知故人何也密曰莫夜無知者震曰天知神

知我知子知何謂無知密愧而去

遺言位莫音暮震字伯起莫弘農郡人嘗為荊州刺史故

人震自謂君謂密

○茅容與等輩避雨樹下眾皆夷踞相對

獨危坐愈恭郭林宗行見之而奇其異遂與共言因請

寓宿且日容殺鷄為饌林宗謂為已設既而供其母自

以草蔬與客同飯林宗起拜之曰卿賢乎哉因勸令學

卒以成德夷本作踈踈音據下為去聲令平聲容字李偉漢陳留人夷踞踞坐也危坐以尻著蹠而坐也林宗名恭大原人異謂異於眾

○陶侃為廣州刺史在州無事輒朝運百甓於齋外莫

運於齋內人問其故答曰吾方致力中原過爾優逸恐

不堪事其勵志勤力皆此類也甓音闕莫音暮俗字上行晉鄴陽人仕至太尉甓磚也時中原

陷沒侃欲致力興復故朝夕運甓以習勞也

後為荊州刺史侃性聰敏勤於吏職

恭而近禮愛好人倫終日斂膝危坐閫外多事千緒萬

端罔有遺漏遠近盡慕莫不手答筆翰如流未嘗壅滯

引接疏遠門無停客

好去聲閫苦本切疏去聲愛好人倫尚名教也閫外謂邦域之外晉處江左以荊楚為國之西

門故曰閫外常語人曰大禹聖人乃惜寸陰至於眾人當惜

分陰豈可逸遊荒醉生無益於時死無聞於後是自棄

也語去聲陰光陰諸參佐或以談戲廢事者乃命取其酒器

搏之具悉投之于江吏將則加鞭扑曰搏捕者牧猪奴

戲耳老莊浮華非先王之法言不可行也君子當正其

衣冠攝其威儀何有亂頭養望自謂弘達耶

捕音蒲搏音樞捕搏蒲搏

局戲雙陸之類浮華謂老聃莊周之言虛而無實也攝檢束也養望通鑑作跲足逸遊荒醉談戲廢事蓬頭跣足皆老莊尚玄虛棄禮法之流弊吳氏曰養望

養其虛望也

○王勃楊炯盧照鄰駱賓王皆有文名謂之四

傑裴行儉曰士之致遠先器識而後文藝勃等雖有文

才而浮躁淺露豈享爵祿之器耶揚子沈靜應得令長

餘得令終為幸其後勃溺南海照鄰投穎水賓王被誅

炯終盈川令皆如行儉之言疎音寗長上聲今終之令去聲弱音

○孔戡於為義若嗞然不顧識見浮躁不沈靜也淺露不深潛也令長今事令終善終盈川縣名

前後於利與祿則畏避退怯如懦夫然戡音堪懦音懦戡字君勝孔子二十八世

○柳公綽居外藩其子每入境郡邑孫懦柔弱也言其勇於為義而怯於趨利祿如此

未嘗知既至每出入常於戟門外下馬呼幕賓為文皆

許納拜未嘗笑話款洽外藩謂節度使取屏蔽之義也其門得列戟故曰戟門納受也

○柳仲

郢以禮律身居家無事亦端坐拱手出內齋未嘗不束

帶三為大鎮廐無良馬衣不熏香公退必讀書手不釋

卷廐音救仲郢嘗為山南劔南天平三道節度使故曰三為大鎮公退自公而退也釋捨也端坐拱手束帶敬也廐無良馬衣不熏香儉也讀書不釋

家法句在官不奏祥瑞不度僧道不貸賦吏法凡

理藩府急於濟貧郵孤有水旱必先期假貸廩軍食必

精豐通租必普免館傳必增飾宴賓犒軍必華盛而又

代之際食儲帑藏必盈溢於始至境內有孤貧衣纓家

女及笄者皆為選婿出俸金為資裝嫁之貸音泰通奔謨切貫音世傳朱

戀切猶口到切帑音倘藏上為並去聲溢音逸在官以卜皆柳氏之家法儉寬也假貸謂以錢穀借之稟倉廩軍食軍餉通欠也貫除也館客舍傳馬驛犒勞也儲蓄也帑藏皆庫名所以貯金帛者衣纓猶簪纓及笄年十五者熊氏曰不

奏祥瑞為謂上也吳氏曰食儲帑藏盈溢於始至出納有藉用無所私而致也

○柳玘曰王相國涯方居相位掌利權實氏女歸請曰玉

工貨一釵奇巧須七十萬錢王曰七十萬錢我一月俸

金耳豈於女惜但一釵七十萬此妖物也必與禍相隨

女子不復敢言相國相位之相去聲於女之女音汝復扶又切王涯唐宰相掌利權謂其兼度支塩鐵權茶等使也實氏女涯

女嫁實氏者歸謂歸寧實氏曰涯實勸畜托辭拒之然妖物必與禍隨則名言也蓋妖物之所貪競固有招禍之道也數月女自婚

姻會歸告王曰前時釵為馮外郎妻首飾矣乃馮球也

王嘆曰馮為郎吏妻之首飾有七十萬錢其可久乎球音

馮為賈相餽門人最密賈有蒼頭頗張威求婚姻會肉婚而燕會也

福馮召而勗之未浹馮晨謁賈有二青衣捧地黃酒

出飲之食頃而終賈為出涕竟不知其由餽音速勗音旭浹音接飲為並

去聲賈餽亦宰相密親密也奴僕以蒼為巾故曰蒼頭勗也浹周也十日為旬二青表二僮使也地黃藥名無毒蓋他酒詭稱耳食頃一飯之頃也球以奴張威福恐為王累故戒之奴恐球告王故毒殺之又明年王賈皆遭禍遭音堆遭遇也涯餽皆為害者仇士良所殺

噫王以珍玩奇貨為物之妖信知言矣徒知物之妖

而不知恩權隆赫之妖甚於物耶馮以卑位貪賈賈已

不能正其家盡忠所事而不能保其身斯亦不足言矣

賈之藏獲害門客于牆廡之間而不知欲終始冒賈其

可得乎廡音武恩權之隆赫禍機所伏也故謂之妖知言本謂知言之是非此則謂知理之言也盡忠所事謂盡心於餽也奴曰臧婢曰獲

此雖一事作戒數端指蒼頭門客指馮也此雖一事作戒數端戒也恩權隆赫不可恃二戒

也溺愛而不能正家三戒也失言而不能保身四戒也發臧獲張威福害門客而不知五戒也

王文正公發解南○王文正公發解南省廷試皆為首冠或戲之曰狀元試三場一生喫盡不

盡公正色曰曾平生之志不在温飽

解冠並去聲音酌公名曾字孝先宋青州人

仕至宰相謚文正狀元指公試三場言鄉試省試廷試皆第一也志不在温飽則在安天下矣

范文正公少有大

節其於富貴貧賤毀譽歡戚不一動其心而慨然有志

於天下嘗自誦曰士當先天下之憂而憂後天下之樂

而樂也

少去聲譽音余樂音洛不一動其心謂富貴不慕貧賤不厭毀之不怒譽之不喜得而不歡失而不戚也天下未憂而先憂天下已

樂而後樂行

其事上遇人一以自信不擇利害為趨捨其

有所為必盡其方曰為之自我者當如是其成與否有

不在我者雖聖賢不能必吾豈苟哉

自信守其正也如是盡其方也事上待人一以

自信而不趨利不避害有所為必盡其方而成敗不苟焉容心於其間有行法俟命意

司馬温公嘗言吾無

過人者但平生所為未嘗有不可對人言者耳

誠而已

管盛坐二木榻積五十餘年未嘗箕股其榻上常膝

處皆穿

股音古寧字幼安漢高士古人危坐如跪箕股謂兩展其股狀如箕也

呂正獻公自少

講學即以治心養性為本寡嗜然薄滋味無疾言遽色

無窮步息情容凡嬉笑俚近之語未嘗出諸口於世利

紛華聲伎游宴以至於博奕奇玩淡然而無所好

少去聲窮巨隕切俚

音里伎音心好去聲治心收其放心也養性養其德性也自寡嗜欲以下皆治心以養性之事窮迫促也俚鄙俗也伎巧戲也

明道先

生終日端坐如泥塑人及至接人則渾是一團和氣

素終日端坐如泥塑人敬也

明道先生作字時甚敬書謂人曰非欲

字好卽此是學

朱子曰此亦可以收放心

劉忠定公見温公問盡心

行已之要可以終身行之者公曰其誠乎劉公問行之

何先公曰自不妄語始忠定元城先生謚也朱子曰温公所謂誠即大學所謂誠其意者指人之實其心而不自欺

也劉公初甚易之及退而自隱格日之所行與凡所言

自相掣肘才盾者多矣力行七年而後成自此言行一

致表裏相應遇事坦然常有餘裕易音異隱音隱制音列切肘音帚才音謀省汝九切

言行之行去聲易之以下妄語為易也操曲者曰隱正者曰掣皆制未之器也自相掣肘才盾喻言行相違也吳氏曰掣挽也肘臂節也掣肘謂肘欲運動而人挽之不能運也才盾有鈞之兵盾即今傍

時體無敵側肩背凍直身不少動至手足亦不移歌音

時體無敵側肩背凍直身不少動至手足亦不移歌音

復仕進其學以至誠為本事母至孝自言初見安定先

生退頭容少偏安定忽厲聲云頭容真其因自思不獨

頭容直心亦要直也自此不敢有邪心卒謚節孝先生

仲車父早卒盡孝於母朱子曰這樣人都

是資質美所以一撥便轉終身不為惡也

○文中子之服儉以潔

無長物焉綺羅錦繡不入于室曰君子非黃白不御婦

人則有青碧潔潔同長音文儉謂不華麗潔謂不垢汚長刺也無長物謂儉潔之外無所增飾也黃白麻絲自然之色青碧漆造使

然之○柳玘曰高侍郎兄弟三人俱居清列非速客不

二羹蔬夕食齏菹而已齏音恣齏音核菹音庖高氏兄弟唐人長鉞翰林學士次銖給事中次鐸禮部

侍郎速召也不二不兼設也羹菜肉

羹蔬肉齏菹猶嚼也菹菜名

李文靖公治居第於封丘

門外廳事前僅容旋馬或言其太隘公笑曰居第當傳

子孫此為宰輔廳事誠隘為太祝奉禮廳事則已寬矣

公名沆字太初位宰相謚文清宋洛州人第第宅封丘宋都門名廳所以治事故曰廳事旋回轉也隘窄狹也太祝奉禮皆世蔭之官已太也

張

文節公為相。自奉如河陽掌書記時所親或規之曰。今公受俸不少。而自奉若此。雖自信清約。外人頗有公孫布被之譏。公宜少從衆。公嘆曰。吾今日之俸。雖舉家錦衣王食。何患不能顧人之常情。由儉入奢。易由奢入儉。難。吾今日之俸。豈能常有。身豈能常存。一旦異於今日。家人習奢已久。不能頓儉。必至失所。豈若吾居位去位。身存身亡。如一日乎。

相去聲。易音異。公名知白。字用晦。宋滄州人。初為河陽掌書記。後為宰相。謚文節。漢丞相公孫弘為布被。汲黯曰。弘俸祿多。而為布被。此詐也。或人見文節之儉約。亦疑其詐。故引是以譏之。頓。遽也。

○温公曰。先公為

郡牧判官。客至未嘗不置酒。或三行。或五行。不過七行。酒沽於市。果止梨栗棗栗。肴止於脯醢菜羹。器用瓷漆。

當時士大夫皆然。人不相非也。會數而禮勤。物薄而情厚。

近日士大夫家。酒非內法。果非遠方。珍異食非多品。器皿非滿案。不敢會賓友。常數日營

聚。然後敢發書局。或不然。人爭非之。以為鄙吝。故不隨

俗奢靡者鮮矣。

嗟乎。風俗頹弊如是。居位者雖不能禁。忍助之乎。

○温公曰。吾家本寒。族世以清白相承。吾性不喜華靡。自為

乳兒時。長者加以金銀華美之服。輒羞赧。棄去之。年二

十。忝科名。聞喜宴獨不戴花。同年曰。君賜不可違也。乃

簪一花。平生衣取蔽寒。食取充腹。亦不敢服垢弊以矯

案亦作按。內法。謂宮內造酒之法。營。辦也。聚。集也。書。謂召客之書。

居位謂居相位。時公已作相矣。

俗于名但順吾性而已

根乃板切矯音皎忝叨也聞喜進士宴名垢汚弊壤矯拂千求也

汪信

民嘗言人常咬得菜根則百事可做胡康侯聞之擊節

嘆賞

信氏名革宋臨川人康侯文定公字也人能甘澹泊而不以外物動心則可以有為矣擊節一說擊手指節一說擊器物為節皆通嘆嗟嘆賞

稱賞朱子曰學者須常以志士不忘在溝壑為念則道義重而計較死生之心輕矣况衣食外物至微末事不得未必便死亦何用犯義犯分役心役志營營以求之耶某觀今人因不能咬菜根而至於失其本心者衆矣可不戒哉

右實敬身

几二十八章李氏曰首十四章實心術之要次七章實威儀之則次一章實衣服之制末六章實飲食之節

小學卷之六終

明治十八年三月九日反刺御届  
全 年四月十五日出版

原版人

北村四郎兵衛

岡山縣士族

反刺人

大島勝海

岡山區東中山下百七番屋敷

全 縣平民

全

渡邊祐吉

全 區中之町五十二番屋敷

全

全縣平民

森

禎

藏

全區中之町四十八番  
屋敷

全

全縣平民

阿部勝忠

全區西大寺町百十六  
番屋敷

全

全縣平民

武内彌三郎

全區濱田町三番  
屋敷

即前十八年三月廿六日

全區濱田町三番

全縣平民

全區西大寺町百十六

全縣平民

全區中之町四十八番

全縣平民

全縣平民



